

PARO KAUNIHERA O PAMUTANA NOTA.

PANUITANGA KA TANGOHIA TETARI WHENUA.

I runga i te Ture mo nga Mahi mo te Katoa, 1908, me te Ture mo nga Kaporeihana Taone, 1908, me o raua nei whakatikatikanga.

HE whakaaturanga tenei e hiahia ana te Mea, me nga Memu o te Kaunihera, me nga tangata o te Paro o Pamutana Nota, i raro i nga tikanga o nga Ture kua huaina i runga ake nei, me era atu Ture katoa e whai mana ai ratou ki te pera, ki te mahi i tetahi mahi mo te katoa, ara ki te tango a ki te rahui i te whenua e whakaaturia nei e te Kupu Apiti ki tenei hei wahi takarotanga hei wahi haerereenga ranei mo te katoa.

A he whakaaturanga ano hoki tenei ko te mapi o te whenua e mcatia nei kia tangohia kua whakatakotia ki te tari o te Karaka o te Paro Kaunihera o Pamutana Nota, kei te Kua i Pamutana Nota, kei reira taua mapi e takoto ana hei tirohanga ma te katoa, kaore he utu mo te tirohanga, i nga haora e tuwhera ana taua tari, a ko nga tangata katoa e pangia ana e te tangohanga o taua whenua mehemea he take tika a ratou hei whakahe i te tangohanga o taua whenua, me tuku-a-tubituhi mai aua whakahe i roto i nga ra e wha tekau timata atu i te ra tuatahi i perchitia ai tenei whakaaturanga; me tuku mai ki te Karaka o te Paro Kaunihera o Pamutana Nota, ki tona tari kua huaina i runga nei.

KUPU APITI.

KAROA tera wahi whenua tona nui 15 nga eka e 5.7 nga paati, nui atu iti iho ranei, ara ko nga Tekiona 237, 238, me 239, e mau nei i runga i te mapi o te Taone o Pamutana Nota. Nga rohe: Ki te rawhiti-ma-raki he rori, 1500.27 ringiki; ki te rawhiti-ma-tonga ko Tekiona 225, 1002.20 ringiki; ki te rato-ma-tonga ko nga Tekiona 226, 227, me 228 e mau nei i runga i te mapi o taua Taone, 1500.27 ringiki; a ki te rato-ma-raki ko Tekiona 236 e mau nei i runga i te mapi o taua Taone, 1002.20 ringiki; e ata whakaaturia nei nei taua wahi whenua e te mapi kua whakatakotia ki te tari o taua Karaka o te Paro Kaunihera o Pamutana Nota, he kakariki nga tapa o taua mapi.

W. H. COLLINGWOOD,

Karaka o te Taone.

FRANK H. COOK,

Roia mo te Paro Kaunihera o Pamutana Nota.

371

WHAKAATURANGA I NGA TIKANGA E URU AI TE MAORI HEI HOIA.

WHAKAMARAMA KI NGA MAORI E HIAHIA ANA KIA URU HEI HOIA.

(1.) Te Ritenga o te Whakauru.

ME tonu ki te Recruiting Officer, a mana e tuhituhi nga kupu mo r to i te Kaari Rehitatanga e tuku atu ki te Tari mo te Whawhai. Kia tae atu te kupu a te Tari kia haere te tangata e whakauru ana i a ia kia tirohia e te takuta, hei reira ra ano ia whakarere ai i tana mahi whiwhi oranga ai ia mona.

(2.) Tirohanga e te Takuta.

A tona wa ka tae atu he kaari ki te tangata e whakauru ana hei hoia hei whakaatu ki a ia i te taima me te kainga e tirohia ai ia e te takuta. Ki te paahitia ia ka tukuna atu ia i reira tonu ki te puni hoia (camp).

(3.) Ki te Hikitia te Kainga Noho.

Ki te haere te tangata e whakauru ana hei hoia ki tetahi atu kainga noho ai, me whakaatu mai e ia ki te Tari te ingoa o te kainga. Ki te haere ia ki tetahi atu takiwa me rehita ia ki taua takiwa.

(4.) Nga Tikanga o te Whakauru.

Ki te uru te tangata ka mau tonu ia hei hoia a mutu noa te whawhai a tae noa ki te wa e hoki mai ai ki Niu Tireni tiaatingia ai.

(5.) Te Oati ki te Kingi.

Ko ia hoia me oati i te Oati Piri Pono ki te Kingi, a me haina rawa i te pukapuka pera kua oti te whakarite.

(6.) Etahi Tikanga.

Ko te pakeke o te tangata hei te rua tekau tau tae atu ki te wha tekau tau.

Ko te teitei o te tangata kua e poto iho i te 5 putu 4 inih. Ko te taumaha kua e nuku atu i te tekau ma toru toone. Me tangata totika mo te whawhai.

(7.) Tirohanga e te Takuta.

Ko te titiro a te takuta he kowhiti i nga tangata maia, tangata ora, e rite ana mo te whawhai, ara i nga mea kaore he mate o te tinana, o nga karu, o nga taringa; kaore be whaturama, kaore he hukiki, a e ora ana nga niho hei ngau-ngau i ana kai.

(8.) Nga Pu me nga Kukahu.

Ma te Kawanatanga o Niu Tireni e whakarite, kaore he utu.

(9.) Ko te Utu mo te Hoia.

Ko te utu mo nga hoia e uru ana ki te Expeditionary Force i te marama tuatahi i te puni (camp) ko te utu ano e utua nei ki nga hoia o te Territorial Force, ara kia 4s. i te ra mo te paraiwete. Ko tenei moni ka whakaputaina ki ia hoia i ia tekau ra i ia tekau ma rima ra ranei.

Ka pau te marama tuatahi ka whakanukuhia a te te moni kia rite ki te moni e utua ana ki nga hoia o te Expeditionary Force, ara kia 5s. i te ra mo te paraiwete. Ka tangohia i roto i tenei moni nga moni e whakaritea e te hoia kia utua ki tetahi atu tangata.

Ina eke ki runga ki te kaupuke hari i nga hoia ki te whawhai, e 2s. tonu te moni mo te ra e whakaputaina, ko te toenga, ara te 3s. i te ra, mebemea kaore ano i whakaritea e te hoia kia utua ki tetahi atu, ka puritia tihoa e whakaputa ki taua hoia, ara kia tiaatingia ra ano ia, kia hoki mai ra ano ranei ki Niu Tireni; ki te mate te hoia ka whakaputaina taua moni ki tona uri tata i runga i ta te ture.

(10.) Kereeme a nga Whanaunga tata mo tetahi Oranga.

Ina tae ia hoia ki te puni (camp) me haina ia i tetahi pukapuka whakamana i te Tari mo te Whawhai ki te tange i tetahi taha o tana moni kua whakatoea ra, i te hawhe ranei o tana moni, hei oranga, ina tonoa, mo ona whanaunga tata e noho kore oranga ana. "Whamere" tona tikanga ko te wahine, ko nga matua, ko nga tamariki ranei a taua hoia, ko tetahi tangata ranei i whakataua ki a ia, a muri atu ranei whakataua ai ki a ia, tetahi ota-oranga i raro i te Ture mo nga Tangata Rawakore, 1910.

CONTENTS.

LANDS—	PAGE
Proclaiming Native Land to be Crown Land ..	335
Extending Prohibition of Alienation of certain Native Lands to Private Persons ..	335
Declaring Land to be no longer subject to Part XIV of the Native Land Act, 1909 ..	336
Partial Revocation of Order in Council prohibiting Private Alienation of certain Native Lands ..	336
NOTICES—	
Sittings of the Native Land Court at—	
Kaihu	337-339
Te Kuiti	339-347
Kakahi	347-349
Puketeraki	349-351
Meetings of Maori Land Boards—	
Waikato-Maniapoto District, at Auckland ..	351-352
Tairāwhiti District, at Gisborne ..	352-353
South Island District, at Puketeraki ..	354
Instructions to Maoris desiring to enlist: How to do so	355
ADVERTISEMENT—	
Taking Land for a Recreation Reserve ..	355

I taia i runga i te Mana o te Kawanatanga o Niu Tireni, e MAKAHA MAAKA, Kai-ta a te Kawanatanga, Poneke.